


В. ЛОДЫГИН



МЕНАМ  
УЛИЧА



Василий Лодыгин

МЕНАМ  
УЛИЧА

*Кывбуръяс*

КОМИ КНИЖНОЙ ИЗДАТЕЛЬСТВО

СЫКТЫВКАР

1972

Лодыгин В. Г.

«Менам улича». Кывбуръяс. Сыктывкар,  
Коми книжн. издательство. 1972.  
72 стр.

«Менам улича» — том коми поэтлөн медвод-  
дза книга. Гижны Василий Лодыгин заводитис  
неважён на, Коми пединститутын велёдчигён,  
кодос сійö помаліс 1970 воын. Сэсса том учи-  
тель служитис Сöветскöй Армия радъясын, му-  
көдкөд тшөтш видзис границанымос сәні, «көн  
Тихöй, вель рам океан».

Кык тема сувтö син водзö, кор лыддян В. Ло-  
дыгинлысь кывбуръяссö: Рöдина дорйöм, бать-  
яслысь югыд туйсö водзö тальöм да том морт-  
лөн сьöлöм кылöм, муслун чужöм — вөр-ва  
дінö и ныв дінö.

Том поэт корсьö, пырöдчö, песö асьсö, мед сы  
йылысь, мый асьсö вөрзьöдіс, гижны ас ногыс,  
бура, зільö мыйкö выльöс аддзыны, восьтны,  
петкөдлыны лыддысьысьлы.

\* \* \*

Коми муӧй дзик помтӧм и дортӧм,  
Векни сы серти морелӧн от.

Кытчӧдз воӧдчан — сәні и гортын,  
Кодкӧд аддзысян — сійӧ и ёрт.

## ТАНИ ДЕДЛӨН И БАТЬЛӨН МУ

Тани гожомнас номйыс вио,  
Но ог эновт ас чужан му.  
Шу тэ, Рөдина, менө пион,  
Еджыд кызьяслөн вокон шу.

Тода: гажаджык эськө карад,  
Но мен мусаджык коми сикт.  
Ог ме некытчө татысь бара  
Бокө мөдөдчы некор дзик.

Менө быдтөма зарни шептас  
Небыд төв улын джуджыд сю.  
Кыз нө сьөлөмөй менам лэптас  
Кольны дедлысь да батьлысь му?

Лэччы, шондйой, менам кио,  
Лөзөд синъясөс, Эжва ю!  
Шу тэ, Рөдина, менө пион,  
Еджыд кызьяслөн вокон шу.

Керкатö тшупны ог бокусь тай корö:  
 Батьяслысь быдторйö велöдчим ми.  
 Мый колö — тэчам и кям, и дорам:  
 Синъясным ёсьёсь и сөнъяса ки.

Зільлуннад комиыд нимавліс пыр на,  
 Сьёлöмным удж бердö овлö мöй кын?  
 Колö кö уджавны — ог шуöй: «Тырмас».  
 Колö кö — аддзам на морöсысь вын.

Та вöсна муясным кыпыдöсь арнас,  
 Та вöсна пармаын кыпалö кар.  
 Ещö ми шаньёсь — и шаньмöдам парма,  
 Гежöд нин сэтшöмыс, дыш код да няр.

## ШОНДИ ПЕТИС

Бара эськө шонди петис,  
Йөзлы шонтысьыштны сетис.  
Мича жө нин пуксьө луныс,  
Мед нин эськө зэрыс мунис,

Мед нин енэж лөзөн олас,  
Мед нин кадыс бурджык волас.  
А өд век на сөмын зэрис,  
Йөзсө дөзмөди да нерис.

Мед нин лёкыс бокө мунас  
Татшөм гажа мича луннас.

## ВИДЗ ВЫЛЫН

Сьод кымөр муніс жө покосөн,  
Бидз весьтө вайис сьокыд зэр.  
Ни өти морт эг кольёй косөн,  
Кор югдіс енэжыслөн сер.

Көть брөд ва паськөмъясным вөлі —  
Эг бипур пестөй пырысь-пыр,  
А бара коса швичкис-сьыліс,  
И паськөм руаліс вель дыр.

## МЕ КРЕСТЬЯНИНЛӨН ПИ

Ме крестьянинлөн пи. Гашкө, та вöсна  
муса

Чужан муысь быд пу и — дзик быд  
турун сi.

И дзик та вöсна тулысын нөдздыштөм  
мусö

Гөрны петтөдз век чабралө-видлалө ки.

Ме крестьянинлөн пи. Гөртөг куйлө  
кө идза,

Быдсөн көдзавла, сьөлөмнам эськө көть ён.  
Гашкө, та вöсна бара жө сиктса моз видза  
Ог сэн кутшөмкө Моська, а вөралан пон.

Ме крестьянинлөн пи. Бара та вöсна,  
гашкө,

Кыдзкө мусаджык сиктысь жө кыввора  
ныв.

И, дерт, та вöсна төдлытөг сьөлөмсянь  
вашка

Гажа вөр-ва да нянь йылысь сөдз  
сьыланкыв.

## СТРАДНА КАД

Лөз ли енэжыс, гым ли шыалө —  
Водз зэв асывнас вошө ун.  
Сёрни-серамөн рытъя кыаөдз  
Катө видз вылө садъмөм лун.

Долыд чужөмөн йөзыс мунёны:  
Гожся луныс оз мөдысь су...  
Ситеч дөрөмъяс, пажын чуманъяс,  
Сера чышъянъяс — быдса дзу.

Миян Войвылын, муса Войвылын  
Югыд гожөмыс — страдна дыр:  
Чеччан — горөдчө петук сёр вылын,  
Водан — шондыс дзебсьө пыр.

Менам кийн томсянь ворсіс  
Лэчыд коса.  
Петлі верстьö йöзкөд радын  
Быд покосö.

Мукөд моза шыльыдінсö  
Эг көть корсьыс, —  
Бидз выв турун лёддзөн усис  
Коса дорсьым.

Пажын бöрын ышмөм шонді  
Пöжліс бура.  
Коса вылö сэки вежлі  
Тэрыб куран.

Рытыс бөръя зорөд бöрын  
Коркө воліс.  
Тайö кадö вöлі меным  
Торъя долыд.

Көть и öні — ог жö быттö  
Венны сетчы:  
Гожөмъяснад шондісьыс на  
Водзджык чечча.

## МИ ЧУЖИМ ВЕТЫМЫНӦД ВОЯСЫН

Ми чужим ветымынӦд воясын,  
Эг некор вӧлӧй чорыд бойясын,  
Но ковмас кӧ — ог пидзӧсчанясьӧй,  
А сувтам враглань чужӧмбанъясӧн.  
Код мустӧм врагысь мышнас бергӧдчас —  
Ерт пуля помсьыс жӧ и чергӧдчас.

Кӧть частӧ сералам да шмонитам,  
Но Бухенвальдсӧ-й ставсӧ помнитам!..  
Ог прӧста шусьӧй батьным овъясӧн:  
Ми дасьӧсь дорйыны став ловъясӧ.

## ЭМ САЛДАТЫС И КОМАНДИРЫС

Синмõ вõйысьõ енэж лõз,  
Шондi видзõдчõ сõстõм ваõ...  
Юртõ копыртлõй, дона йõз,  
Обелисклань, код гõрд звездаа...

Муса чойяслысь сõстõмлун  
Мед эз няйтõсьтны кырныш пиян,  
Батьяс дорйисны локтан лун,  
Кодi нэм кежлõ лоис миян.

Нёнпом кагасõ мамлысь мед  
Эз сэк бытшкавны штыкõн понъяс,  
Сетiс олõмсõ кымын дед,  
Мыйта усины повтõм зонъяс...

Шудыс дона и тэд, и мем.  
Найõ, кодъяслы мустõм мирыс,  
Мед жõ тõдõны: миян эм  
И салдатыс, и командирыс.

## ЫДЖЫД ВЫН

Бара кыптас кө морт виан би,  
Эн чайт, Рөдина, томось мый ми.  
Ог ми лосьөдчөй сэки зэв дыр,  
Туйө мөдөдчам пырысьтөм-пыр,  
Медтө батьяслөн шымыртліс сыв,  
Медтө гоз-мөдысь окыштіс ныв,  
Медтө донъяліс миянлысь сям  
Вольной свет вылас меддона мам.

Чарла-мөлөта алөйгөрд флаг  
Лэптам тэнсьыд ми, аддзис мед враг:  
Сылөн рөмыс эз вушйы ни мын,  
А ми өтулөн — зэв ыджыд вын.  
Бара кыптас кө морт виан би,  
Эн чайт, Рөдина, томось мый ми.

«ВЕРМАМ ВРАГОС! ВИЧЧЫСЬОЙ».

Бөръя зорөд чөвтисьяс война вылө мунисны.  
«Вермам врагос! Виччысьой», — бабаяслы  
шуисны.

Бөръя гудөкасысыяс война вылө мунисны.  
«Локтам, сэки гажөдчам», — мусаяслы  
шуисны.

Нель во чөжөн бабаяс уна зорөд чөвтисны,  
Банъяясьом косаөн эбос быртөдз өвтисны.  
Гөрисны и көдзисны, вундисны и вартисны...  
Мыйта найө вөчисны, верман өмөй артыштны?

Сэни, сотчысь Рытылын, сьөкыдджык  
өд вөлі на:  
Сэни враглөн пуляяс швачкысылисны сьөлөмө.

Рытиввылын му-васө бияс помся нюлисны...  
Уна төдтөм юясысь коми зонъяс юлисны.  
Нельысь Коми муаныс кызьяс корсө  
вежлісны...

«Вермам врагос! Виччысьой», —  
гортсаяслы гижлісны.  
Нельысь Коми муаныс юяс кырйөдз  
тулісны...

«Нөйтөй врагөс! Виччысям!»—

гортсаясы шулісны.

...Нель во сьökыд пушкаяс мудзёмнысла

упкисны,

Нельöд шуда тулысын враглысь вомсö

тупкисны.

...Эз став зорöд чөвтысьсö туйяс гортас

вайöдны:

Броняис ни вөр-ваис эз тай кужны сайöдны.

Эз став гудöкасысьыс рытас нывкөд сетчыны:

Кыс нин дзескыд гуясысь дитяяслы

чеччыны?..

...«Вермам врагөс! Виччысьöй»,—

письмөясын шулісны,

Бойö коммунистьяслысь нимсö найö нулісны.

Враглөн дженьыд паметысь Брестьясыс

кö вунасны,—

Талун зорöд чөвтысьяс, миян

гудöкасысьяс

Кыв шутөг көть мунасны,

Медым шудсö дорйыны, коді сьökыд

бойясын

Шедіс ыджыд дойясөн.

## КЛУБЫН

Клубын мунö «Молодая гвардия»,  
Бöрддзöмаöсь Марьяяс и Клавдияс.  
Уналөн нин вазис чышъян помъясыс:  
Кулöны öд медся бур да томъясыс.  
Мужикъяс — и тшöтш сэн синсö тільöны,  
Весиг челядь лöня овны зільöны.

Бöрдöны... А кызди найöс дугöдан?  
Шыасян кö — сьölöмнысö жугöдан.  
Бöрдöны и Марьяяс, и Клавдияс:  
Клубын мунö «Молодая гвардия».

Медтө ловъя на öнi дед...

Куйлө комынөд वोсянь Кузь чойын.

Со пö тэныд колхозъяссыд, пред!—

Врагъяс лыйöмысь чуравлис войис.

Медтө ловъя на öнi дед...

Вöли олöмас ыджыд пайыс.

Садьмөм му йылысь выль декрет

Петроградьсь өд ачыс вайис.

Медтө ловъя на öнi дед,

Югыд аскиö йöзкөд мунысь,

Кодi тшöктöма мен и тэд

Шудсö перйыны локтан лунысь.

## ГӨРД ПАРТИЗАН

Белöй унтерлы сюрис тай матыс:  
«Висьтав бурөн вай — көні нө батыд?..  
Ог ми бырөдöй тэ вылө пуля:  
Ловъявывсыд öд кучиктö кулям»...

Зон эз повзы лёк кырнышлөн грöзысь,  
Шуис: «Сэні жö, көні и йöзыс!»  
...Залпөн лыйисны врагъяс Иванös,  
Дас квайт арöса гөрд партизанös.

## АДДЗЫСЬЛЫТӨДЗ

Аддзысьлытөдз, Эжваой да-й юой,  
Тувсов зэрөн мыссьом кыддза раскөй.  
Аддзысьлытөдз, гажа Коми муой,—  
Армияө мөдөдча ме аски.

Аддзысьлытөдз, дөнаой да-й мамөй,  
Өтнад колян, сьөлөмшөрөй, бара...  
Ог нин аддзыв, ытваяс кызд ямө,  
Кызди коляс гожөмыс да арыс.

Аддзысьлытөдз, мусаой да-й нылөй,  
Аддзысьлытөдз, сьөлөм косьтанторйөй.  
Оз нин таво тувсов рытыс ылөд,  
Ог нин ветлөй көка воя борйө.

Аддзысьлытөдз, ныла-зонма дзуөй,  
Аддзысьлытөдз, гудөкөй да-й другөй...  
Эн жө сэсса нярөн менө шуөй:  
Кызд нө татчө сьөлөмтө он жугөд?

## САЛДАТЛӨН ПИСЬМӨ

Ылі туйысь воис письмөыс вель дыр —  
Чукрасьыштөм дорыс висьталө тай пыр.  
Дөва мамлы вайис сійөс почтальон.  
Мый нин гижө пиыс — армияса зон?

Сійө аслас мамлы сиө шуда нэм,  
Гортса сёрни панлө: мый нин выльыс эм?  
Письмө помас содтө: эн пө шогсы, мам —  
Видзны пө граница эм нин менам сям.  
Ёртъяскөд пө орччөн нинөмысь ог пов,  
Ме вөсна пө, мамө, гөрдөдны оз ков.

Мамлөн радлө лолыс: «Батьыс кодь  
жө дзик!»  
Талун зонлысь письмө лыддяс ставнас  
сикт.

Ме видза границаяс сәні,  
Көн Тихөй, вель рам океан,  
Но мыйлакө кажитчө меным,  
Мый Эжвалөн мичаджык бан.

Кор войяснас береглань вартчө  
Дзурс пемыдсьыс ваыслөн шы,  
Ме чайта, мый локтөма татчө  
Лөз Эжвалөн вильшасьысь гы.

И шоналөм сьөлөмөн олан  
Да-й казялан: югдөма вой,  
И быттьөкө гортөдзыд волан  
Да кутыштлан мусалысь сой.

Письмояс йӧзыслы воӧны,  
Меным — дзонь тӧлысь нин кост.  
Мый бара гортын нин лоины —  
Гижасны коркӧ ли оз?

Видзӧда ёртъясӧй вылӧ да,  
Нюмдӧмны тані и сэн.  
Ме тай век ачымӧс ылӧда:  
Гижасны, мися, и мен.

Ветлӧдла жугыльмӧм синъясӧн.  
Шуӧны: «Шогсьӧ салдат».  
Веськала шондіаинъясӧ —  
Сьӧлӧмӧй абу жӧ рад.

Мыйла нӧ та дыра, мыйла нӧ  
Гӧлӧссӧ некод оз сет?  
Конвертсӧ кушсӧ кӧть мый ли нин  
Ӧтиӧс ыстисны мед.

Ошиньö видзöдчö асыв,  
Шондыс петкöдлö бан.  
Картупель весалам дасөн,  
Видзöдö сöмын сержант.

Эмсö и абусö ёрам —  
Серамыд кыз нö оз пет?  
Енмыслысь весиг öд корам,  
Отсаліс мый ли кöть мед.

Енмыд, дерт, кывтöм и пельтöм,  
Ми вöсна коссö оз чег...  
Асьнымöс нарошнö эльтам,  
Нускам, но весалам век.

Кодікö мурöстлас гора,  
Кодікö шыбитлас пурт...  
Он бара некодлы норась,  
Жалитны некод оз кут.

Раммöдны сьöлöмысь лёксö  
Лоö жö — нинöм он вöч:  
Асьным öд картупель роксö  
Панялам йöзыскöд тшöтш.

## ПАМЕТЬО КОЛИН ТЭ МОРТОН

Сьолөм вылад тэд зэв ёна волөм  
Енэж лөзыс да сиктбердса ю.  
Кызь кык арөсөдз дженьыдик олөм  
Төдө сиктад быд керка, быд пу.

Нэм чөж видзасны льөм войта видзьяс  
Тэнсьыд небыдик, пармаса кыв.  
Нэм чөж колясны шөпкөдчысь кыдзьяс  
Тэнсьыд неуна мудзыштөм сыв.

Шогсян колис тай өтнасөн нылыд,  
Да и мамыдлысь синва он пык:  
Курыд шоглунтө ва моз он кылөд,  
Бытьё сьолөмыд вөлі көть кык.

Сотчысь керкаө челядьла пырны  
Оз на быдөн өд лысьт да и куж...  
Тэнө чайтам ми ловъяөн пыр на,  
Көть и му вылас мөдысь он чуж.

Миян паметьө колин тэ мортөн,  
Кыдзи пармаысь куснясьтөм пу...  
Кор ми гу дорад волевлам, ёртөй,  
Синва петө да — нинөм эн шу.

Кокни жар вылын банйыштөм нянь,  
Быдсөн пушъялан, босьтам кор рачысь.  
...Ме кодь том йөзыс чаль судтасянь  
Мыйта чорзисны вижөдөм качысь.

Кокни жар вылын банйыштөм нянь,  
Кутшөм небыдик, кутшөм тэ чөскыд!  
...Киам шлочкыліс дядьөлөн пань:  
Мөдөд шөрөм пө кватитіс, мөскыд...

Кокни жар вылын банйыштөм нянь,  
Код нө тэтөг куш сорванад пөтас?..  
Мед жө Му вылас олысь быд ань  
Медбур пызьысь пыр нянь шомсө көтас.

## ФОТОКАРТОЧКА

Вель уна фотокарточка нин эм...  
Вот тані вокö нюмдыштöма мем,  
Со орччөн мекöд пуксьыштöма чой,  
А тані мамлысь кутыштсьöма сой.  
А эськö фотокарточка вот мем,  
Мед сэні, коді велöдліс, тшöтш эм.  
Мед сэсянь ёртъяс видзöдісны пыр,  
И прамöй йöзыс сулалісны тыр.  
Мед вöлі сэн, код быдтö меным нянь,  
Код паськөм вöчö,— мужик морт кöть ань.  
Мед вöлі сэні Питерса салдат,  
Код вайис татшöм бура олан кад.  
Мед сулаліс сэн фронтвывса герой,  
Фашизмкöд коді нуис сьöкыд бой.  
И зіль том йöзыс сулалісны мед,  
Но медым дыш да гусясьысь эз пет.

Бара сыланкыв бөрддзөдө менө,  
Мамөс казгыштыс сийө да — мед.  
Эн ті дивитөй, өртгясөй, энө:  
Эз өд быдөнлы чорыдлун шед.

Чайта: мамөлөн гөлөсыс кылө,  
Көсгя чукөстны — лолөй оз шед...  
Ссылөй мамөлысь сылансө, сьылөй,  
Медым синваөй петас кө — мед.

Веж парма стрөг. Оз бөрдны сәні,  
А петас кө нин синва войт,  
То мортые мырдөн шогсө венө  
И мөдлысь сьөлөмсө оз дойд.

Веж парма шань. Сән мөда-мөдсө  
Йөз радейтөны. Лөг оз ов.  
Көть мортые мортлы абу төдса,  
Но юкас нянь и сетас сов.

Ёна пёрысьмис Лыско,  
 Коксё өдва нин кыскё.  
 Коркё котравліс, увтліс,  
 Ёні воськовтлас — сувтлас.  
 Кодкё нянь тор кё сетас —  
 Быдсён синваыс петас.  
 Ватор гуранысь юлас...  
 Бурджык — эськё кё кулас.  
 Көть и забеднө — олө,  
 Чайтө — йёзыслы колө.

## СТАВЛЫ ЁРТ ДА МАМ

— Кага видзны кола на,  
Сё во тыртөдз ола на,—  
Шмонитлывлө баб...  
Зэвтлө-й кочөг бытшкөмыс:  
Кылө важся ытшкөмыс,  
Но оз вывті ляб.

Коркө-й кузя лолыштас:  
— Войнасьыд вот полышта  
Пёрысьладорыд.  
Гришаным ни Коляным  
Эз и бөрсө волыны:  
Вот өд войнаыд...

Квайтымынысь петөма,  
Йөзлы томсянь сетөма  
Ассьыс вын да сям.  
Томсянныс жө вөлөма  
Ыджыд, мича сьөлөма,  
Ставлы ёрт да мам!

Тода, тулысыс мыйла мем дона,  
Кодыр сөстөм зэв енэжлөн йир:  
Сэк өд мамөлы өтчыдысь вонас  
Кыськө бандзибас кыптылө вир.

Но со көдзалис ывлаыс бара,  
Пуяс пасьтөмөсь, видзөдны жаль.  
Бара мамөлы плавгөма арыс  
Дзормөм юр вылас рудіник шаль.

Аттө, сьөлөмөй ёна жө доймө,  
А өд доймыныс мыйыськө эм:  
Шаллыс мамөлөн мед эськө воймө,  
Но өд дженьдаммө доналөн нэм.

Сэк тадз жö котöртисны шоръяс,  
И тадз жö йиöн кывтис ю.  
Сэк тадз жö паськöдчисны коръяс,  
И тадз жö руалыштис му.

Но тшына вöли енэж йирыс.  
А водзын кымын вöли бой...  
Салдат пöсь вом доръяссö йирис  
Да венлис тулыс вöсна дой.

А талун миян — мирнöй тулыс,  
И, эм кö, дзык мöд пöлöс шог.  
Но сьöлöмным мöй миян кулис?..  
Вот батыным колö, а эз лок.

Ён көсйөмөс, чукөрмөм сямөс  
Эг ас пытшкын мич пыдди видз:  
Ме лои учительөн, мамө,  
И ним дорам содыштіс вич.

Со первойысь классө ме пыра,  
И рад зэв, и тірыштө ки...  
Но полөмөй төдлытөг бырө,  
Кор челядькөд төдмасям ми.

Со пункта нин первой отметка  
И челядысь дзебышта нюм.  
Со войяснас пукала өткөн,  
Мед быдөнлысь төдмавны дум...

Ме йөзыслы петкөдлі сямөс  
Эг сы вөсна, содіс мед вич:  
Мый төда да велөдлі, мамө,  
Ме челядылы сета — ог видз.

## БЫДӨН НА ПИЫСЬ АС

Мелань ветымын синмөн  
Дзоргө лөнныштөм класс.  
Быдөн на пиысь менам,  
Быдөн на пиысь ас.

Кодкө чукөрад вильыш,  
Кодкө вывтіджык збой,  
Кывтө корсьысьны зілян,  
Мед он некодөс дойд.

Нюмыд өтилы петас,  
Мөдлысь шылькнитан юр.  
Помөдз сьөлөмтө сетан,  
Ставыс вөлі мед бур.

Быдөн лоис мед мортөн,  
Лёка нэмсө эз вудж,  
Кужис лоны мед ёртөн  
И тшөтш радейтис удж.

Кодкө енэжлысь, гашкө,  
Коркө писькөдас вевт.  
Кодкө вөр-валысь вашкөм  
Кутас радейтны зэв.

Гашкӧ, кодыськӧ лоас  
Миян вожса поэт.  
Кодкӧ гортланьыс воас,  
Ме моз велӧдны мед...

Мелань ветымын синмӧн  
Дзоргӧ лӧньыштӧм класс.  
Быдӧн на пиысь менам,  
Быдӧн на пиысь ас.

Эз ӱтчыд мамӱ нулы менӱ вӱрӱ,  
Мед вӱчны пес да пӱрӱдыштны кер,  
Но ичӱт дырйи-д зӱв на слаба вӱрӱ  
Вель жебиник жӱ киад ыджыд чер.

Ме пӱсьӱс вӱлӱ дасысь, гашкӱ, чышка,  
А мамӱ — ӱтчыд либӱ ньӱти оз.  
Ме чурка помтӱ нуиг кашка-кышка,  
А мамӱ нуас чачаӱс жӱ моз.

Но кадыс вежис арлыдъяс и олӱм:  
Оз важ моз шенась мамлӱн чера ки...  
И пес вӱчны кӱть кер пӱрӱдны колӱ,—  
Бек вӱрӱ ӱнӱ воккӱд мунам ми.

Тöрыт кодкö шуис: «Мыйла бара  
 Челядыс та мында Сыктывкарас?..  
 Кодзувкотъяс моз жö котралöны,  
 Абу кар, а детскöй сад и сöмын.

Мыйла эськö?..

Да öд Сыктывкарын  
 Гажа зэв и тöвъяснас, и арын.  
 Тулыс воас — вирыд ышмö-пузьö,  
 Гожмъяснас йöйыс сöмын узьö.  
 Кытшовтан кö карсö помысь помö,  
 Пыр и аддзан — йöзыс тані томöсь.  
 Тані эскан, кодлыськö кö кылан,  
 Медся мича гöтырыс мый сылön.

Тані нывъяс — быттö видзвыв гумъяс,  
 Ок и пöсьсöсь налön мича нюмъяс!  
 Тані зонмыс шуö нылöс «озйön»,  
 Весиг дедöс аддзан дзоридз розйön.  
 Тані юргö Эжва весьтын сьылöм,  
 Сьылігад и сьөлöмыд öд сылö.

Рузум пиын кутö

Донаторсö бать.

— Пиён али нылөн?

— Пиён,— шуö бать.

— Синъясыс тай тэнад.

— Менам,— нюмдö бать.

— Мамыслөн дзык нырыс.

— Сылөн,— шуö бать.

— Рад жö сэсся, көнкө?

— Рад, дерт,— нюмдö бать.

— Кутшöм ним нö сетан?

— Батьлысь,— шуö бать.

## ПРАЗДНИК ДЫРЙИ

Праздник дырйи гудёкыд зэв колё,  
Гудёкасысь медбур гёстьён лолё,  
Гёрдөдтөдзыд «Шондібанёй» зілян,  
Сэссия «Русскёй» пёсявтөдзыд тілян.  
Мудзёмыдла чуньяснад көть сорсян,  
Мужикъяслы «Яблочко» на корсян.  
Нывъяс пиысь кодкё пёсьтё чышкас,  
Ворсышт на пё — мышкад тапкөдыштас.  
Ворсан бара. Эбөссыд кор петан,  
Вөлись мөдлы гудөктё сэк сетан.  
Праздник дырйи гудёкыд зэв колё.  
Коді ворсё — миян сиктё волёй!

Пожъясьоны юын  
Сиктса куим ныв.  
Курья вомо пыжсянь  
Ваньо вöйтö тыв.

Кыйсьынытö öнi  
Дугды, муса зон.  
Нывъяс дорас коркö  
Матыстчылан он?

Аддзан, кутшöм томöсь.  
Оз мöй вирыд пу?  
Матыстчы вай, зонмöй,  
Мыйкö налы шу.

Пыжад найöс пуксьöд,  
Ю шөрöдзыс пет.  
Гумыштöдлы сэсся —  
Чилзыштасны мед.

Шыбит тывтö, зонмöй,  
Мöдысь бура кый.  
Каясны öд найö,—  
Синтöм али мый?!

Диалёма покос помас ныланос  
Муса зонмыс — тайос часто кывлан-ө?!  
Нылыд миян бөрдө нисьө сералө,  
Тайкө зонто косанас дзик кералө.  
Зонмыд шуө: «Отсышта — и окышта».  
Мөдыс скөрмө: «Коса пунас кокышта!»  
Ота-мөдсө синнаныс дыр бытшкисны,  
Бытшкисны, — а дісө өтув ытшкисны.

Не кө тэнад олөм —  
Менам нэмөй джын.  
Не кө тэнад сьөлөм —  
Менам сьөлөм кын.

Не кө тэнад нюмыд —  
Менам нюм оз пет.  
Мыйла кыв он шу мен,  
Видзөдлас он сет?

Гашкө, мөд тэд муса?  
Висьтав: збыль ли лөж?  
Мыйла олан гусьөн  
Гажа тулыс чөж?

Сёрнита ме аскөд,—  
Серам тэныд, дерт.  
Но, а друг и аски  
Рытйысьны он пет?

\* \* \*  
— Сэтшөм сынөдыс яг вылас көра,  
Весиг неуна кольмөдіс юр,—  
Тадзи шуыштін сэки тэ вöрад,  
Кор тай миянлы тшакыд эз сюр.

Ещö шуин тэ коалөмсорөн:  
— Татчö керка вай кыпöдам ми?  
Сійö тырас мед вöрыслөн горөн!  
Сэні чужас мед пармалөн пи...

Мый нө содтыштны татчö ме верми?  
Сöмын корөмөн нюжөді сыв.  
А кор мыйлакө төдлытөг зэрмис,  
Весиг вöрыслысь шувгөм эг кыв.

Коркө-й лөзаліс енэжлөн серыс.  
Лои югид. И горөдін сэк:  
— Тайö миянлы шуд вылө зэрмис,  
И мед шуд вылө зэрмылас век.

## ПОС ДА ВА

Весиг валысь бузгөмсö ог кыв:  
Мельнича пос вылын мыссьö ныв.  
Сійö көмтöм; гождъялöма кок.  
Катшасинмысь юр вылас венок.

Нывлөн вуджөр ва лөнъ вылас эм,  
Сэсянь синъяс нюмъялöны мем.  
Вом доръясыс сылөн, көнкö, ма...  
Миян костын — сöмын пос да ва.

## СИЙОС МЕ РАДЕЙТА

— Кагаа бабаос он жө өд вай,  
Этша мөй сиктаным нылыс?  
Абу зэв мича ни, пөрысь нин да-й,  
Дыш весиг видзөдны вылас,—

Кызь куим арөса быдтассө тадз  
Янөдіс бөрдігмоз мамыс...  
Пиыслөн воча кыв вөлі көть надз,  
Тыдаліс сэтысь нин сямыс.

— Мамукөй, мамукөй, бөрдны оз ков,  
Мыйла нө омөльтан сійос?  
Ачyd өд шулін, мый уджысь оз пов,  
Тэ кодь мый тэрыбөсь кияс.

Ачyd өд шулін, мый мичтө он сөй,  
Сьөлөмыс мича мый колө...  
Кагасө видчөмөн некор ог дойд,  
Мед нө мен пи пыдди олө.

Шуан тай, уна пө сиктаным ныв...  
Эмось, дерт,— збойось и рамось.  
Сөмын тай, шуа ме веськыда кыв,  
Сійос ме радейта, мамө.

«Письмө гижла и косяла бара,  
 Гашкө, гижнысө ньöти оз ков?..  
 Мый тэ вöчан сэн та дыра, карас?  
 Гашкө, каганам тэныд ог ков?

Абу йöзлөн öд, асланым сийö,  
 Регыд горöдчас, висьтась кöть эн...  
 Мый нö шуан тэ, лоас кö миян  
 Коркө аддзысьöм кар вылад сэн?

Киöd коркöя мозыд жö босьтан?  
 Али, аддзан да, воча он пет?..  
 Эськө öнi кö öдзöсöс восьтан,  
 Эськө öнi кö — эски на, дерт».

Катыд помсянныс кывтыд помөдз  
Бөрсянь вөтчывліс тувсов вой.  
Сэки тэкөд ми вөлім томось,  
Да и сьөлөмын эз вөв дой.

Синмө кольччыліс енэж лөзыс,  
Ворсіс бандзибын шонді дзирд,  
Весиг шулісны сиктса йөзыс:  
Чоя-вока кодь ми пө дзик.

Ставыс колис тай... Мый нө керан?  
Асьным мыжаось, абу йөз...  
Тэтөг гажтөммис сиктсай керөс,  
Да и енэжыс абу лөз.

Медым мыжалө олөм судыс:  
Важсө бергөдны вывті сёр.  
Нуин томлунөс; гашкө-й, шудөс,  
Но ме тэнө ог вид ни ёр.

Тан, Эжва дорас, гожом чөжыс виччыся,  
Век думайта, мый көдж сайсьыс тэ  
мыччысян.

Век виччыся, а, гашкө, он и кылөдчы.  
Но тэ өд некор, помнита, эн ылөдчыв?  
А. гашкө, сөмын вөрзёдчыны думыштін?  
А, гашкө, пыжад тырыс васө гумыштін?  
Дыр виччысигад гажтөммис ю вомыныс;  
Ме тэныд воча пета гыяс вомөныс.

Дасысь унджыкыс меным эз вöv,  
Муртса косьмис на вом дорысь йöлыс,  
А öд мыйтакö тöда нин вöлі,  
Эм мый быдöнлы ас серти пöv.

Гашкö, та вöсна ворсигөн пыр  
Öти нывкалань сибöдча вöлі.  
Кутшöм дурöм нин, сийö кö öліс,  
Весиг сы вöсна юрси эг шыр.

Да и яндыся вöлі ме сэк,  
Мам кор пасьтöдліс дöмаса гачөн.  
Но кор ворслим ми ас вурöм мачөн,  
Сэк и дöмасöй вунліс тай век.

Гашкö, сэки нин майшасьлім ми...  
Лежнög сикötш кор во мысти сеті,  
Сэтшöм мичаник нюм сылөн петіс —  
Быдсөн ки дорö матыстлім ки.

Тайö кадсö ме мунны эг чайт...  
Лежнög сикötша мичаник нылöй,  
Тэ тай сиктсьыным мунін зэв ылö.  
Кыдзи олан нин? Гижышт кöть вай.

## МУНАН ТАТЫСЬ

Мунан татысь. Гашкө, он и волы.  
Радейта мый тэнө, он и төд.  
Төдін кө тэ эськө, кызди колан,  
Гашкө, эн на некытчө и мөд.

Мунан татысь. Гашкө, дыш и лоас  
Гижны меным коркө пара кыв.  
Тэ он төд да, вежөрад мөй воас,  
Шогсян коли али радлө ныв?

Мунан татысь... Ыджыд көть зэв могөй,  
Ог ме висьтась бөръя здукас тэд.  
Радейтөмөй, виччысьөмөй, шогөй  
Өтнамөс нин жугөдасны мед.

Мыйкө сьөлөмөй виччысьö бурös:  
Гашкө, казяліс тәнсьыд любов?..  
Ғывйыд висьтасьны миянлы сюрас,  
Сөмын тэрмасьны вывтi оз ков.

Медым орччөнсö мунöмысь полам,  
Медым окыштны тәнö ог лысьт:  
Гашкө, öнiсö тадзи и колö?  
Гашкө, збоймыштам олыштöм мысьт?

## ДРУГЛЫ

Челядь дырйиным чомйөн, паличөн  
Тэкөд жуявтөдз ворслім ми.  
Тэнад улича — менам улича,  
Тэнад сиктыд — и менам сикт.

Тэ кө шонділы сөдза нюмдылін,  
Менам паськавліс тшөтш жө нюм.  
Тэ кө чуньтө ёсь пуртөн вундылін,  
Менам бурдөдны вөлі дум.

Тэкөд чеччавлім небзьөм толаө,  
Дааддьөн гижйөдлім юлысь кыр.  
Тэкөд ветлөдлім ыджыд школаө  
Да и водзө на мунам пыр.

Абу ылынөсь, ми зэв матынөсь,  
Вывті матынөсь, орччөн дзик.  
Тэнад улича — менам улича,  
Тэнад сиктыд — и менам сикт.

Төда: сьөлөмад ворсөдчө вир,  
Но тэ ме йылысь думайтны дугды.  
Эн вай потшөсас паськөмтө нирт,  
Мун нин гортланьыд: дзикөдз өд югдіс.

Шулі меліа кыв-мөд кө тэд,  
Коркө орччөн кө муныштөм лоліс,  
Тайө сійөн, эн ышмы тэ мед,  
Медым этшаджык корасьысь воліс.

Өні воча кыв тэныд ог сет,  
И тэ прөста дзик виччысян татөн:  
Тэ өд төдан, мый гортысь ог пет,  
Мый ме виччыся ассым салдатөс.

Эн тэ өшиньө торкөдчы, эн,  
Виртө көдзөдышт, дурөмсьыд дугды...  
Менө ышөдны некор нин тэн,  
Мун вай гортад: өд дзикөдз, со, югдіс.

## МЕКӨД ВОЧАСИС НЫВ

Мекөд вочасис ныв. Туйсьыс кежышти  
бокө

И эг сувтөмөн сёрнияс нуодны мөд.  
Онi каитча пыр: эз өд нинөм вөв лёкыс,  
А то нимсө өд весиг ме сылысь ог төд.

Мекөд вочасис ныв. Вылам видзөдліс  
смела,

Сэсся нюмдыштис, неуна муныштөм  
мысьт.

Мыйкө шуис на да-й, но ме нинөм  
эг велав,  
Эськө оськов-мөд вөчлі, но водзө  
эг лысьт.

Мекөд вочасис ныв. Эз и сувтыштлы —  
муніс,

А ме сулалі дыр и мый вөчны — эг төд...  
Сэксянь надейтча век: воас аддзысян  
луныс,

Эз кө ме дорысь смелджыкөн ло  
кодкө мөд.

\* \* \*

Ме шуи: «Вунöd, көть ог вун»,  
А ачым янсödчöмысь полі.  
Ме шуи: «Бурджык лоас — мун!»  
Но кывзысьны мöй менсьым коліс?

## МЕНӨ ВЕЛӨДЫСЬЯС

— Кынөмыд кө сюмалө —  
Сюмөд, вокө, сөй,—  
Ме вылын тадз серавліс  
Менам ыджыд чой.

— Нинөм кө тэд вөчнытө,  
Мун да мыръяс берт,—  
Тадзсө вөлі кесйөдас  
Ыджыд вокөй, дерт.

— Нинөм кө тэд пасьтавны,  
Көмкотыд кө лёк,—  
Пөчө вөлі велөдас,—  
Паччөр вылас лок.

Сөмын мамө бурдөдліс  
Менсьым дзик быд дой:  
— Окота кө — ыркөдчышт,  
Эн тай бура сөй?..

Ёна вежой петлывліс,  
Кодыр вокой ветлывліс  
Рытйысьны быд лун.  
Паныдыс и нылыдыс  
Юрсö вöлі шыльöдас,  
Кытчöдз оз на мун.

Вöччас еджыд дөрöмөн,  
Сапöг гöлень көрöма,  
Завидь весиг мем.  
Нянь тор сёйны выйыштас,  
Сэсся клублань лыйыштас —  
Гудökыс тай эм.

Медым сэсся лёкалö —  
Гуляйтсис тай вокöлөн,  
Вежысь, майбыр, эм.  
Мед, колökö, вежалас,  
Клублань рытнас кежалас:  
Гуляйтсё и мем.

\* \* \*

Дзик өшиньясөдз тōлыс лымйōн тыртас,  
Но зонпосни моз исласьлам на пыр,  
Кōть исковттōдзыс думайтам вель дыр,  
А чой паныдсō каям эбōс быртōдз.

Ок, гажыс мыйкӧ чускӧ,  
Вай ворсышт, баянист,  
Тшӧтш дедъяснымлысь «Русской»,  
А эн куш шейк да твист.

Зэв радейтӧ ӧд, другӧ,  
Важ йӧктӧмъястӧ сикт.  
Вай ворс. Ми йӧктам кругын  
Кок дзенавтӧдзным дзик.

Кор эштас «Русской» йӧктӧм,  
Ми панам «Шондӧбан».  
Вай ворс, мед оз ков тшӧктӧм,  
Но, мый нӧ тшапитчан?..

Ытшкыны кыакөд муниң,  
Кыакөд локтин жө бөр;  
Юрсиад дзоридз зэв уна,  
Вом дорад турунлөн көр.

Шондыс кольома, видзөд,  
Синъясад кокныдик дзирд.  
Бандзибыд яндысиг видзө  
Томлунөн өддзөдөм вир.

Аттө, тэ мича жө, нылөй,  
Сэтчө жө томиник да-й...  
Мыйла нө сулалам чөла?—  
Кутыштла мый ли көть вай.

Мича сёрни кывліс  
Талун пёрысь коз,  
Кодыр зонмыс нывлы  
Сетіс дзоридз роз.

А өд дыр нин сотчис  
Зонлөн сьёлём дін.  
Со тай öні орччөн...  
Топөдчылöны.

Сöмын асья кыа  
Разяс налысь сыв.  
Сиктлөн садьмысь шыас  
Мунас зонкөд ныв.

## ТЭ НӨ КӨН?

Тэ нө, муса нылөй, көн?  
Шогөдiс нин быдсөн.  
Кыз нө верма өтнамөн  
Коллявны ме рытсө?

Төлысьсө өд ме ог видз,  
Кызьяссө ог окав.  
Мыйкө вөчи кө не сiдз,  
Ме вылө эн лөкав.

Мый нө көть и йөктышти  
Нывьясыскөд төрыт,—  
Не жө сэсся йөткыштны  
Менө съөд вөр шөрө.

Ачуд тай нө зоньяскөд  
Синмасьлан да-й дуран.  
Шуим өтласьны, да өд  
Колө овны бура.

Шыась меным. Тэ нө көн?  
Шогөдiс нин быдсөн.  
Өнi съөкыд өтнамөн  
Коллявны мен рытсө...

Видзöдам вылö да вылö:  
Енэжыс кымöртöм, сэзь.  
Мусаöй, сьöлөмшөр нылöй,  
Öтчыд көть окыштны лэдз.

...Видзöдам улö да улö:  
Мыйлакö кольмöма юр...  
Дзоридзөн коясис тулыс,  
Ныв кодь жö сöстөм да бур.

\* \* \*

Ставсö быттö неуна кöть тöда,  
Öтитор ог некыдз гөгөрво:  
Мыйла öти тулыссянныс мөдөдз  
Тэсянь öти письмө на эз во?..

Рузум пиын гөтырыд кор сетас  
Гортад нуны ассыд ныв ли пи,  
Кагалөн моз нюмыд быдсөн петас,  
Уськөдөмысь полыштан на и.

Кутшөм сэки сьөлөм вылад долыд,  
Челядь моза юр вылад көть мун.  
Радысла ли мый ли сибдө лолыд,  
Войнас сэсся некыз оз лок ун.

Тадз поэтлөн сибдылө жө лолыс,  
Кывбурыслы помсө аддзас кор.  
Шуда бать моз войбыд сійө олас,  
Сёысь лыддяс, ланьтас асьядор.

Усьоны коръясыс, усьоны...  
Ывлаыс ыркыд и чөв.  
Корскюрө шөпнитлө гусьоник  
Лэбулысь лэччысьөм төв.

Шондыс өдвакө мыччыяс:  
Пемдөма енэжлөн сер.  
Асывсянь кежавны виччысьө  
Ю сайысь дышеник зэр.

Важөн нин видзөдны дышөдіс  
Йөжгыльтчөм вөр-васө мем.  
Гожөмыс гижны кө ышөдіс,  
Арыс тай ар на и эм...

Важөн воштысис рытъя кыаыс,  
Чужан му весьтö пуксис вой.  
Ланьтис вөр-ваыс, дугдiс шыавны,  
Тöлысь пальöдö менсьым дой.

Лыдтöм кодзувсö лыддиг сорси нин,  
Вошис налөн моз весиг ун.  
Гашкö, ме моз жö шудлун корсьöны?..  
Сiдзкö, сулышта, ог на мун.

## БУР ВОЙ

Бур вой тэд, мамой. Бура узь.  
Мед тэнад нэмыд лоо кузь.  
И тэныд, менам дона чой,  
И муса вокой, тшөтш бур вой.

Бур вой тэд, менам муса ныв.  
Бур вой тэд, лөннысь сыланкыв.  
Бур вой тэд, гажа Коми му,  
Мед шойччас тэнад вөр и ю.  
Мед шойччас тэнад дона йоз,  
Мед аски енэж лоо лоз.

# ЮРИНДАЛЫСЬ

«Коми муой» . . . . .	3
Тани дедлөн и батылөн му . . . . .	4
Зильлун . . . . .	5
Шонди петис . . . . .	6
Видз вылын . . . . .	7
Ме крестьянинлөн пи . . . . .	8
Страдна кад . . . . .	9
«Менам кийн томсянь ворсис...»	10
Ми чужим ветымынöd воясын	11
Эм салдатыс и командирыс . . . . .	12
Ыджыд вын . . . . .	13
«Вермам врагöс! Виччысьöй» . . . . .	14
Клубын . . . . .	16
Медтö ловъя на öни дед . . . . .	17
Гöрд партизан . . . . .	18
Аддзысьлытöдз . . . . .	19
Салдатлөн письмö . . . . .	20
«Ме видза границаяс сэни» . . . . .	21
«Письмöяс йöзыслы воöны» . . . . .	22
«Öшиньö видзöдчö асыв» . . . . .	23
Паметьö колин тэ мортөн . . . . .	24
Нянь . . . . .	25
Фотокарточка . . . . .	26

«Бара сыланкыв...» . . . . .	27
«Веж парма стрөг...» . . . . .	28
Лыско . . . . .	29
Ставлы ёрт да мам . . . . .	30
«Тōда, тулысыс...» . . . . .	31
«Сэк тадз жō котōртисны шоръяс» . . . . .	32
Ме лои учительōн . . . . .	33
Быдōн на пиысь ас . . . . .	34
«Эз ѓтчыд мамō...» . . . . .	36
Уна жō и челядь Сыктивкарас .	37
Шуда батъ . . . . .	38
Праздник дырйи . . . . .	39
«Пожъясъōны юын...» . . . . .	40
«Діалōма покос помас...» . . .	41
«Не кō тēнад олōм...» . . . . .	42
«Сэтшōм сынōдыс яг вылас кōра» . . . . .	43
Пос да ва . . . . .	44
Сійōс ме радейта . . . . .	45
Письмō . . . . .	46
Сэки тэкōд . . . . .	47
Виччыся . . . . .	48
Лежнōг сикōтша ныв . . . . .	49
Мунан татысь . . . . .	50
«Мыйкō сьōлōмōй виччысьō...»	51

Друглы . . . . .	52
«Тода: сьёлёмад ворсөдчө вир...» . . . . .	53
Мекөд вочасис ныв . . . . .	54
«Ме шуи...» . . . . .	55
Менө велөдысьяс . . . . .	56
Том олөмөй, том гажөй . . . . .	57
«Дзик өшиньясөдз...» . . . . .	58
«Ок, гажыс...» . . . . .	59
«Ытшкыны кыакөд мунін...» . . . . .	60
«Мича сёрни кывліс...» . . . . .	61
Тэ нө көн? . . . . .	62
«Видзөдам вылө да вылө...» . . . . .	63
«Ставсө быттё» . . . . .	64
Радлун . . . . .	65
«Усьоны коръясыс...» . . . . .	66
«Важөн воштысис рытья кыаыс...» . . . . .	67
Бур вой . . . . .	68

**Василий Григорьевич Лодыгин**

**МОЯ УЛИЦА**

**Стихотворения  
на коми языке**

Художник С. А. Добряков.

Редактор В. А. Попов.

Худож. редактор А. В. Мошев.

Техн. редактор И. Г. Цивунии

Корректор А. А. Надуткина.

Сдано в набор 1/III-1972 г. Подписано к печати 10/IV-1972 г. Бум. № 1. Формат 84 × 108<sup>1</sup>/<sub>64</sub>. Печ. л. 1,845; Бум. л. 0,562; (Уч.-изд. л. 1,55). Заказ № 840. Ц00885. Тираж 1000. Цена 17 коп. Коми книжное издательство. Сыктывкар, Дом печати.

\* \* \*

г. Сыктывкар, Республиканская типография Управления по печати при Совете Министров Коми АССР.



17 көп.

